


情史

古本小說集成

上海古籍出版社



《古本小說集成》編委會編

情

史

二〔明〕馮夢龍編

上海古籍出版社

情史類畧卷六

精愛類

○麗娟 李夫人 以下男愛女

漢武帝所幸宮人名麗娟年十四玉膚柔軟吹氣勝蘭
不○欲○衣○纓○拂○之○恐○體○痕○也○每○歌○李○延○年○和○之○于○芝○生○殿
唱○迴○風○之○曲○庭○中○花○皆○翻○落○置○麗○娟○於○明○離○之○帳○恐○塵
垢○污○其○體○也○帝○常○以○衣○帶○縛○麗○娟○之○袂○閉○于○重○幙○之○中
恐○隨○風○而○去○也○麗○娟○以○琥○珀○爲○佩○置○衣○裙○裏○不○使○人○知
乃言骨節自鳴相與爲神怪也出洞冥記

李夫人本以倡進。初夫人兄延年善音。嘗于上前起舞。歌曰。北方有佳人。絕世而獨立。一顧傾人城。再顧傾人國。寧不知傾城與傾國。佳人難再得。上歎息曰。世豈有此人乎。平陽王因言延年有女弟。上召見之。妙麗善舞。繇是得幸。生一男。是爲昌邑哀王。及病篤。上自臨候之。夫人蒙被謝曰。妾久寢病。形貌毀壞。不可以見帝。願以王及兄弟爲託。上曰。夫人病甚。殆將不起。一見我屬託。王及兄弟。豈不快哉。夫人曰。婦人貌不修飾。不見君父。妾不敢以燕媵見帝。上曰。夫人第一見我。將加賜千金。

一時離恨轉
展增憐

而子兄弟尊官。夫人曰：尊官在帝，不在一見。上復言欲必見之。夫人遂轉向歛歛而不復言。于是上不悅而起。夫人姊妹讓之曰：貴人獨不可一見上，屬託兄弟邪？何爲恨上如此？夫人曰：夫以色事人者，色衰而愛弛，愛弛則恩絕。上所以攀攀我者，以平生容貌故。今見我毀壞，顏色非故，必畏惡吐棄我，尚肯復追思閔錄其兄弟哉？所以不欲見帝者，乃欲以深託兄弟也。及夫人卒，上以后禮葬焉。圖其形於甘泉宮，諸兄皆益官。帝思懷往者，李夫人不可復得，時始穿昆靈之池，泛翔禽之舟，帝自

洪梁縣名屬古扶風至哀帝廢之邑不言雲陽出美矣

造歌曲使女伶歌之時日已西傾涼風激水女伶歌聲甚適因賦落葉哀蟬之曲曰羅袂兮無聲玉墀兮塵生虛房冷而寂寞落葉依於重扇望彼美之女兮安得感余心之未寧帝聞唱動心悶悶不自支特命龍膏之燭以照舟內悲不自止親侍者覺帝容色愁怨乃進洪梁之酒酌以文螺之卮帝飲三爵色悅心歡乃詔女伶出侍帝息于延涼室臥夢李夫人授帝蘅蕪之香帝驚起而香氣猶著衣枕歷月不歇帝彌思求終不復見涕泣浴席遂改延涼室爲遺芳夢室一說鍾山有香草東方

朔獻帝懷之。即夢見李夫人名懷夢草。帝思李夫人不
輟。乃作靈夢臺。歲時祀焉。

○○飛燕合德

成帝以三秋閑日。與飛燕戲於太液池。以沙棠木爲舟。
貴其不沉沒也。以雲母飾於鸕首。一名雲舟。又刻大桐
木爲虬龍。雕飾如真。以夾雲舟而行。以紫桂爲柂。柂及
觀雲棹水。玩擷菱葉。帝每憂輕蕩。以驚飛燕。命吹飛之
士。以金鎖纜雲舟於波上。每輕風時至。飛燕殆欲隨風
入水。帝以翠纓結飛燕之裙。常怨曰。妾微賤。何復得預

纓裙之游。今太液池尚有避風臺。即飛燕結裙之處。后
驕逸。體微病。輒不自飲食。須帝持匕箸。藥有苦口者。非
帝爲含吐。不下咽。昭儀夜入浴蘭室。膚體光發。占燒燭。
帝從幅中竊望之。侍兒以白昭儀。昭儀覽巾。使撤燭。它
日帝約賜侍兒黃金。使無得言。私婢不豫約中。出幃。值
帝。即入白昭儀。昭儀遽隱辟。自是帝從蘭室幃中窺昭
儀。多袖金。逢侍兒私婢。輒牽止。賜之。侍兒貪帝金。一出
一入不絕。帝使夜從帑。益至百餘金。帝嘗早獵。觸雪。得
疾。陰緩弱。不能壯發。每持昭儀足。不勝。至欲輒暴起。昭

儀常轉側帝不能長持其足樊嫔謂昭儀曰上餌方士
大丹求盛大不能得得貴人足一持暢動此天與貴妃
大福寧展側俾帝就耶昭儀曰幸轉側不就尚能留帝
欲亦如姊教帝持則厭去矣安能復動乎

李夫人病篤不肯見帝慮減其愛也元帝欲持昭儀
足昭儀轉側不就慮盡其愛也人主漁色何所不至
而能使三千寵愛在一身豈惟色哉其智亦有過人
者矣

○鄧夫人

吳孫和悅鄧夫人常置膝上和於月下舞水精如意悞傷夫人頰血流污綉嬌姹彌苦自舐其瘡命太醫合藥醫曰得白獺髓雜玉與琥珀屑當滅此痕即懸百金購致之有富春漁人云此物知人欲取則逃入石穴伺其祭魚之時獺有鬪死者穴中應有枯骨雖無髓其骨可合玉舂爲粉歛於瘡上其痕則滅和乃命合此膏琥珀太多及差而有赤點如朱逼而視之更益其妍諸嬖人欲要寵皆以丹脂點頰而後進幸妖惑相動遂成淫俗

○蜀甘后

俗稱所歡曰
玉人若本此

蜀先主甘后，沛人也。生于微賤，里中相者云：此女後當極貴。及長，體貌特異。年至十八，玉質柔肌，態媚容冶。先主召入，致白綃帳中於戶外。望者如月下聚雪。河南獻玉人，高三尺，乃取玉人置后側。晝則講說軍謀，夕則擁后而玩玉人。常稱玉之所貴，比德君子。況爲人形，而可不玩乎？甘后與玉人潔白齊潤，觀者殆相惑亂。嬖寵者非惟嫉於甘后，亦妬於玉人也。

○楊太真

楊太真以天寶四載七月冊爲貴妃。次年七月，以妬悍

忤旨令高力士以單車送還楊銛宅。初出上無聊中官趨過者或笞撻之。至有驚怖而亡者。力士因請召還。旣夜遂開大興坊從太華宅以入。及曉上見之殿內大悅。貴妃拜泣謝過。因召兩市雜劇以娛之。諸姊進食作樂。自此恩遇日深。九載二月以竊吹寧王紫玉笛忤旨復放出宮。吉温奏曰。妃婦人無知識。有忤聖顏罪當死。旣蒙恩寵。只合死于官中。陛下何惜一席之地。使其就戮。而忍使取辱于外乎。上爲之憮然。中使張韜光送妃至宅。妃泣曰。衣服之外皆聖恩所賜。惟髮膚是父母所生。

今當就死無以謝上。引刀剪髮一鬋附韜光以獻。上見之驚惋。遽使力士召歸。益髮焉。妃旣生蜀。嗜荔枝。南海味勝于蜀。乃令每歲馳驛以進。毋過宿。恐味敗也。故杜牧詩云。一騎紅塵妃子笑。無人知是荔枝來。御苑新有千葉桃花。帝親折一枝插于妃子寶冠。帝曰。此花尤能助嬌態。因呼爲助嬌花。五月五日上避暑。遊興慶池。與妃子晝寢于水殿中。宮嬪輩凭欄倚檻。爭看雌雄二鵝。鵝戲于水中。上時擁妃子于綃帳內。謂宮嬪曰。爾等愛水中鵝。鵝爭如我被底鴛鴦。秋八月太液池有千葉白

蓮數枝盛開。帝與貴戚宴賞。左右皆歎羨而已。帝指妃子示左右曰。爭如我解語花。

宮妓中有念奴者。有姿色。善歌唱。帝所鍾愛。未嘗一日離左右。每執板當席顧盼。帝謂妃子曰。此女妖麗。眼色媚人。每嚙聲歌喉。則聲出于朝霞之上。雖鐘鼓笙竽。嘈雜而莫能過。

○吳絳仙

煬帝幸江都。至汴。帝御龍舟。蕭妃乘鳳舸。一日。帝將登鳳舸。凭殿脚女吳絳仙肩。喜其柔麗。不與羣輩齒。愛之。

甚久不移步。絳仙善畫長蛾眉。帝色不自禁。回輦召絳
仙。將拜婕妤。適絳仙下嫁玉工萬羣。故已之。擢爲龍舟
首。檝號曰崆峒夫人。諶是殿脚女。爭效爲長蛾眉。司宮
吏日給螺子黛五斛。號爲蛾綠。螺子黛出波斯國。每顆
值十金。後徵賦不足。雜以銅黛給之。獨絳仙得賜真螺
黛。不絕。帝每倚簾視絳仙。移時不去。顧內謁者曰。古人
言。秀色若可飧。如絳仙真可樂飢矣。因吟持檝篇。賜之
曰。舊曲歌桃葉。新粧艷落梅。將身倚輕檝。知是渡江來。
詔殿脚女千輩唱之。帝至廣陵。備月觀行宮。有郎將自

瓜州進合歡果。帝令小黃門以一雙馳騎賜吳絳仙。遇馬急搖解絳仙拜賜。私附紅箋上進。曰：驛騎傳雙果。君王寵念深。爭知辭帝里。無復合歡心。帝歎曰：絳仙真女相。如不獨貌也。時越溪進耀光綾綾紋突起。有光彩。越人乘樵風舟。泛于石帆山下。收野繭。繰之。繰絲女夜夢神人告之。禹穴三千年一開。汝所得野繭。即江淹文集。中壁魚所化也。絲織爲裳。必有奇文。織成果符所夢。故進之。帝獨賜司花女洎絳仙。他姬莫預。

○○卓文君

卓文君姣好。眉色如望遠山。臉際常若芙蓉。肌膚柔滑如脂。爲人放誕風流。故悅長卿之才。而越禮焉。長卿素患消渴疾。及悅文君之色。遂成痼疾。作美人賦。欲以自刺。而終不能改。卒以此疾至死。瑯環記。王吉夜夢一螭。在都亭。作人語曰。明當舍此。吉異之。明使人候于都亭。而長卿至。吉曰。此人文章當橫行一世。天下因呼螭。螭爲長卿。卓文君一生不食螭螭。

王龍溪一門人。自稱有好色之疾。龍溪笑曰。窮秀才。抱着家中黃臉婆子。輒云好色。不羞死耶。噫。必如長。